



Qeqqata Kommunia
Makkorsip Aqq. 2
Box 1014
3911 Sisimiut
Att.: Laust Løgstrup

Kangerlussuup Sisimiullu akornanni aqquserniap immikkoortuata pingajuani ASN-imut suliap allannguutissaatut nalunaarutigineqartup misissuiffigineqarnerani aalajangiineq: Tasersuup Qooruani ATV-nut aqqusineq

Brevdato: 14-05-2024
Sagsnr.: 2023 - 29828
Akt-id: 24132640

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup (Naalakkersuisoqarfiup) 8. decembari 2023-mi ASN-imut nalunaarummi¹ § 5, imm. 3 naapertorlugu Kangerlussuup Sisimiullu akornanni ASN-imut suliap allannguutissaanut nalunaarut tiguaa. Suliap allannguutissaanut nalunaarut ATV-nut aqqusernertut immikkoortunut marlunnut, Sisimiut aamma Kangerlussuup akornanni ATV-nut aqqusernertut pingaarnertut sanguffissatut atorqartussanut (siunissami ujaraaqqanik qallerneqartussanut) tunngasuuvoq. Ataatsimut isigalugu ATV-nut aqqusineq 5,4 km sananeqassaaq.

Sanaartukkat misissuinissamat pisussaaffeqarfiusut ASN-imut nalunaarummut ilanngussaq 2-mi nassuarneqarput, suliassarlu manna imm. 1d-p ataaniippoq: *“Aqquserniornerit, asi aqqutigalugu ingerlasussatut eqqarsaatigineqartut, katilugit 2000 m-it sinnerlugit takissusillit”*.

Tunngavigisat

ASN-imut nalunaarut tiguneqartoq malillugu ATV-nut aqqusineq ataaseq 3,5 km-inik takissuseqarpoq, Tasersuup tasiata kangianoortuulluni, kiisalu aqqusernup aappaa 1,9 km-inik takissuseqarpoq, Qorlortup kuuata tungaanoortuulluni. Sanguffissatut pilersaarutigineqartut marluusut Kangerlussuarmit 30 km-inik aamma Sisimiuniit 85 km-inik ungasissusilimmiipput. ATV-nut aqqusernit sanaartorneqarnerini Tasersuup Qooruani avatangiisit alianaatsut siunissami takornariaqarnermi tikeraartoqartarnermilu atorluarneqarnissaat siunertaavoq. Suliqarfiusussaq Aasivissuit Nipisaallu, 2018-imi UNESCO-p nunarsuarmit kingornussanut allattuiffianut ilanngunneqartut kulturikkut oqaluttuarisaanerannut ilaavoq. ATV-nut aqqusernit 5,4 km-it taaneqartut taakku ilaatigut Aasivissuarni eqqaanilu sumiiffittut pingaarnertut toqqarneqartut arfineq marluk tikikkuminassusiinut annertusitseqataassapput.

¹ Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat.

Sumiiffimmi pinngortitami avatangiisinilu pissutsit Kangerlussuup aamma Sisi-
miut akornanni aqquuserniornerup immikkoortuanut siullermut tullermullu ASN-
imut nalunaarusiani allaaserineqartut assigaat. Nunatta Katersugaasivia 2017-imi
aamma 2020-mi Qeqqata Kommunia sinnerlugu Sisimiut Kangerlussuullu akor-
nanni aqquuserniorfissatut pilersaarutigineqartumi itsarnitsanik, kulturikkut oqalut-
tuarisaanermi eqqaassutissanik misissuivoq, misissukkanut Tasersuup Qoorua
ilaalluni. Imm. 1 aamma 2 pillugit ASN-imut akuersissuteqarnermut atatillugu
Nunatta Katersugaasiviata nalunaarusiaani: "*Heritage impact assessment of the
nature road between Sisimiut and Kangerlussuaq*"-mi² inassuteqaatit malinne-
qarnissaannut piumasaqaatinik aalajangersaasoqarpoq. Nalunaarut naapertorlugu
inassuteqaatit taakku ATV-nut aqquuserniassatut pilersaarutigineqartut marluk
taakku sanaartorneqarnerinut ingerlanneqarnerinullu atatillugu malinneqassapput.

ATV-nut aqquusernit marluk taakku 3 meterinik silissuseqassapput. Aqquusernit
sanaartorneqarnerini qaartiterutinik atuisoqassanngilaq, aammalu aqquuserniap
karsitaata sananeqarnerani nalunaarummi imm. 2.1 sananissamut tunngavissat uku
malinneqassapput: "*Aqquuserniap karsitaa pingaartumik kussiniliornermi piiakka-
nik imaqassaaq. Kisiannili aqquutaasuniit ujaraaqqaanik killeqartorujussuarnik
amerlassusilinnik assartuisoqarsinnaavoq*". Tamatuma saniatigut isorartussutsini
aqquusernit imermik qarsunneqarnissaat nungutinneqarnissaallu pinngitsoorniarlu-
git pisariaqartitsiviusutut naliliiffigineqartuni kussiniliorortoqassaaq.

Aqquusernit sananeqarnerisa saniatigut siunissami Tasersuup tasiani puttasumik
ikaartarfiliornissaq pilersaarutigineqarpoq, taamaalilluni aasaanerani tikeraat
tatsikkut ikaarunneqarsinnaassallutik. Ikaartarfik puttasoq killilimmik annertussu-
siligaassaaq, piffissallu angalaffiusup avataani immamit qaqillugu nunamut inis-
sinneqarsinnaassalluni. Ukiuunerani angallatit paariniarlugit nunamut qaqinne-
qarsinnaassapput imaluunniit assartorneqarsinnaassallutik.

Ullumikkut Tasersuup Qoorua pingaartumik mernguersartarfittut, pisuffittut aal-
laaniarfittullu atornerarpoq. Tamakkuli killeqartuinnarmik ingerlanneqarput, su-
miiffiup avinngarusimasumiinna peqqutigalugu. Kisiannili Kangerlussuup Sisi-
miullu akornanni ATV-nut aqquusernup ammarneqarnerani aqquusernup qanita
tikikkuminarnerulissaaq. Aqquuserniornerup 2024-mi aasaanerani aallartinnissaa
naatsorsuutigineqarpoq.

² Qitiusumik inassuteqaatit imaapput: *Itsarnitsanut eqqaassutissat nunamut atasut tamakkiisumik
ilaannaasumilluunniit ajoquserneqassanngillat, allanngortinneqassanngillat nuunneqassanatilluunniit,
aammalu itsarnitsanut eqqaassutissaniit 20 meterit iluanni suliaqartoqassanngilaq. Sanaartornermi
itsarnitsanut eqqaassutissamik maannamut suussusersineqarsimannigitsumik nassaartoqarpat, sanatitsisup
erngerluni nassaat Nunatta Katersugaasivianut Allagaateqarfianullu nalunaarutigissavai, aammalu
itsarnitsanut eqqaassutissanut nassaarineqartunut toqqaannartumik sunniisoqassappat suliaq
unitsinneqassalluni.*

Aalajangiineq

Tasersuup Qooruani ATV-nut aqquernup sananeqarnissaanut suliassamut allannguut ASN-imut nalunaarut naapertorlugu ASN-iliortussaataitaanermut tunngaviliinnigilaq.

Aalajangiinermut tunngaviusoq

Naalackersuisoqarfiup ASN-imut nalunaarummut aalajangiinermi matumani pingaartippaa, aqqusinivimmik sananissaq pineqanngimmat, kisiannili ATV-nut aqqusineq, avataaniit aqqusinermut atortussanik assartuinissamik imaluunniit qaartiterinermik pisariaqartitsiviunngitsoq pineqarluni. Taamaattumik ataatsimut isigalugu sanaartugassat annikitsut matumani pineqarput.

Avatangiisini kulturillu oqaluttuarisaanerani pissutsinik misissueqqaarnerit pisariaqartut imm. 1-imut aamma 2-mut ASN-imut nalunaarusiornermut atatillugu suliarineqarsimapput, taamaattumillu ATV-nut aqquernit avatangiisinut imaluunniit oqaluttuarisaanermi itsarnitsanut eqqaassutissanut annertuumik sunniuteqartussatut ilimagineqanngillat. Piffissami sanartorfiusumi atortussat, soorlu maskiinanut ikummatissat aamma ikaartarfimmut puttasumut atortussat killeqartuinnaat assartorneqassapput.

Nalunaarummi allassimavoq, Sisimiut aamma Kangerlussuup akornanni ATV-nut aqqusinermi upalungaarsimanermut pilersaarut aamma Tasersuup Qooruani aqqusinernut atuutissasoq.

ATV-nut aqquernit ujaraaqqanik qallerlugit annertusinissaannut kissaateqarnermi Qeqqata Kommunia nalunaarummik nutaamik, suliassap naliliiffigineqarnissaa misissuiffigineqarnissaalu eqqarsaatigalugu Naalackersuisoqarfimmit misissugassamik nassiussissaaq.

Nalunaaruteqarnermi najoqqutarisat avatangiisinillu naliliinerit tassunga atorneqartut, avatangiisinullu naliliinernut, ASN-imut nalunaarummi suliarineqartunut sanilliunneri tunngavigalugit Naalackersuisoqarfik naliliivoq, suliassamut nalunaarut malillugu suliassaq nunami avatangiisinut imaluunniit avatangiisinut allanut (taakkununga naasut uumasullu, nipiliornerit, silaannarmik mingutsitsinerit, silap pissusii il.il. ilanngullugit) annertuumik sunniuteqassanngitsoq.

Suliassamut allannguutissat tunngavissat matuma siuliani taaneqartut tunngavigalugit avatangiisinut annertuumik sunniuteqartussaannngimmat, ASN-imut nalunaarut naapertorlugu suliassanut allannguutissat ASN-iliortussaataitaaffiusanngillat.

Tamanut saqqummiussineq aamma naammagittaalliornissamut ilitsersuut

ASN-imut nalunaarummi §§ 22 aamma 23 naapertorlugit Nunalerinermut, Imminut Pilersornermut, Nukissiutinut Avatangiisinullu Naalackersuisup aalajangiineq Namminersorlutik Oqartussat nittartagaanni www.naalackersuisut.gl kiisalu nuna tamakkerlugu najukkanilu tusagassiutini tamanut saqqummiutissavaa.

Aalajangiineq avatangiisinik allanngutsaaliuinnermut inatsimmi³ § 60, imm. 1 naapertorlugu Avatangiisinik Illersuinissaq pillugu Maalaaruteqartarfimmut, ASN-imut nalunaarummi § 33 naapertorlugu Naalakkersuisunit pilersinneqartumut maalaarutigineqarsinnaavoq.

Avatangiisinik allanngutsaaliuinnermut inatsimmi § 60, imm. 2 naapertorlugu maalaaruteqarnissamut pisinnaatitaaffeqarput:

- Aalajangiiffigisaasoq
- Nakorsaaneqarfik
- Kikkulluunniit suliap inerreqarneranut ataasiakkaarlutik imaluunniit annertuumik soqutigisaqartutut ilimagineqartariaqartut
- Peqatigiiffiit kattuffiillu, malittarisassanik malillugit sukisaarsaarnermut, avatangiisinut pinngortitamullu soqutigisanik annertuunik isumaginninnissamik siunertaqartut

Avatangiisinik allanngutsaaliuinnermut inatsimmi § 60, imm. 3 naapertorlugu maalaaruteqarnissamut piffissaliussaq sapaatit akunnerinik arfinilinnik sivilissuseqarpoq, ullormit aalajangiiffiusumit naatsorsorlugu.

Maalaarutaasinnaasut uunga nassiunneqassapput:

Nunalerinnermut, Imminut Pilersornermut, Nukissiutinut Avatangiisinullu
Naalakkersuisoqarfik
Imaneq 1A
Postboks 1614
3900 Nuuk
E-mail: pan@nanoq.gl

Tamatuma kingorna Naalakkersuisoqarfiup maalaarut najoqqutassanik, suliap naliliiffigineqarneranut ilaatinneqartunik ilaqartillugu Avatangiisinik Illersuinissaq pillugu Maalaaruteqartarfimmut nassiutissavaa. Tamatuma peqatigisaanik suliame akuusut suliame maalaarummik tigusaqartoqarnera pillugu ilisimatinneqassapput.

Maalaaruteqartarfiup aalajangiineri allaffissornikkut oqartussaasunut allanut ingerlateqqinneqarsinnaanngillat, tak. Avatangiisinik innarlitsaaliuinnermut inatsimmi § 60, imm. 4.

Avatangiisinik innarlitsaaliuinnermut inatsimmi § 63, imm. 1 naapertorlugu inuit tamat maalaarutaat piffissami Avatangiisinik Illersuineq pillugu Maalaaruteqartarfiup maalaarutaasinnaasunik suliaqarfiani atuuttussanngortitsisinnaanngillat, tamatumani Naalakkersuisut allamik aalajangiinngippata.

³ Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Piffissap maalaaruteqarfiussap naanissaa sioqqullugu illuliassat sanaartugas-
sallu aallartinneqassanngillat, tak. Avatangiisinik allanngutsaaliuinnermut ina-
tsimmi § 64, imm. 1.

Aalajangiinerup nalunaarutigineqarneraniit qaammatit arfinillit qaangiutsinnagit
aalajangiineq eqqartuussivimmut suliakkiissutigineqarsinnaavoq, tak. Avatangi-
sinik innarlitsaaliuinnermut inatsimmi § 65.

Inussiarnersumik inuulluaqqusillunga



Natuk Lund Olsen

Naalakkersuisoqarfimmi pisortaaneq

Nunalerinnermut, Imminut Pilersornermut, Nukissiornermut Avatangiisinullu

Naalakkersuisoqarfik